

سنه لکی درسعادت ایچون مجیدیه
یکرمی غروش حسابیله التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

تذکره محاکمات

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

موافق اصول وقانون اولدینی بیانیله تصدیقنه قرار
ویرلدیکی منفهم اولمشدر .

لایحه تمیزیه ده مظنونلردن حسن ایله فاطمه نك
دخی فعل مذ کوره جراتی شهادت واحوال سائر
دلالتیله مثبت ومتین بولندی حالد برائتلیخی متضمن
اولان اعلام ابتدائیک عندالاستیناف فسخی لازم
کلورایکن تصدیق یولنده اتخاذ قرار اولنسی یولسر
اولدیغه دائر اعتراض سر دیله اعلام استینافیک نقضی
طلب اولنمشدر تبلیغنامه ده دخی اعتراض مذ کورک
بجا اولدیغندن بحثله اعلام مذ کورک نقضی لزومی
کوسترلمشدر .

ایجابی لدی المذاکره محکمه استینافیه جه مظنونلردن
حسن ایله فاطمه نك برائتلیخه متدائر اولان حکم
ابتدائیک قانونه مغایرتندن بحثله مدعی عمومیک
مقامندن اقامه اولنان استیناف دعواسنک مستند
اولدینی اعتراضات حقنده تدقیقات لازمه اجرا
واعتراضات واقعه نك عدم قبولی حالنده اسباب ردیه سنک
ویریه حک اعلامه ترقیم واملا اولنسی لازم کلورکن
بوصورته توفیق معامله ایدلکسزین حکم ابتدائیک
تصدیق جهتنه کیدلسی مغایر اصول وقانون اولوب
لایحه تمیزیه مندرجاتی وارد و بجا کورنمش اولدیغندن
اصول محاکمات جزائی قانونک اوچیوز اون دردنچی
واوچیوز اون طقوزنجی ماده لری منظوقنجه اعلام
استینافیک مظنونلردن مرقومان حسن ایله فاطمه نك
برائتی متضمن اولان قرار ابتدائیک تصدیق بولنده کی
فقره حکمیه سنک نقضه واحکام قانونیه دائره سنده ایفای
معامله ایدلک اوزره اوراق متعلقه سنک محکمه
مذ کوره یه اعاده سنه ۲۴ کانون ثانی سنه ۳۲۳ تاریخنده
متفقاً قرار ویرلدی .

یکدیگرینی قتل قصدیه جرح ایتدکلی ادعا
اولنسندن دولایی جنایتله اتهام اولنان صفوتک اوچ
سنه مدته کورکه قونلسنه ومحرکم معافیتنه دائر
پرزرین سنجاغی بدایت محکمه سی جزا دائره سندن
ایکسجی دفعه اوله رق ویریلان ۳۹۸ نومرولی اعلام

اجرای ایجابی ضمننده امور حقوقیه مدیریتی
افاده سیله جوابنامه ترقیم قلندی .

محاکمات مقدماتی

بازید سنجاغی بدایت محکمه سی مدعی عمومی
معاون سابق شوقی افندیک اوراق انفصالیه
ومدافعه نامه سی انجمن انتخاب مأمورین عدلیه جه
لدی التدیقی جواز استخدامنه قرار ویرلمشدر .

محکمه تمیز استدعا دائره سندن تنظیم واعطا
اولنان اعلامدر :

قونییه ولایتی مرکز بدایت محکمه سی جزا
دائره سندن استینافاً تنظیم واعطا قنوب مدت معینه سی
ظرفنده محکمه مذ کوره مدعی عمومی معاونلکی
جانبندن تمیزاً تدیقی استدعا اولنان ۱۰ ایلول سنه
۳۲۳ تاریخی ویوز طقسان یدی نومرولی اعلام
واوراق متفرعه سی باش مدعی عمومیک مأموریت
بیه سنک ۱۷ تشرین ثانی سنه ۳۲۳ تاریخی
تبلیغنامه سی ایله محکمه تمیز استدعا دائره سنه تودیع
اولمغله قرائت ومطالعه اولندی .

اعلام مذ کور مندرجاتنه نظراً سلیمان ایله محمدی
ضرب وجرح ایتدکلی ادعا اولنان خلیل اوغلی
محمد ایله همشیره سی رحیمه نك عندالحاکمه وقوعبولان
اخبارات واولبابده کی طیب راپورلری مندرجاتی ایله
ثابت اولان حرکتلیخه توافقی ایدن جزا قانوننامه
هایوننک ۱۷۸ نجی ماده سی موجبنجه در در ماه
حبسلرینه وایام معطله اجوراتی اولان ایککیوز قرق
غروشک دخی کندولرندن بالتحصیل مجروحله
ویرلمسنه وفعل مذ کوره اشتراکلی اکلاشیله میان
مظنون دیگر حسن ایله فاطمه نك برائتلیخه دائر
لاحق اولان حکم ابتدائیک مظنونلردن محمد ایله
مدعی عمومیک جانبندن اقامه اولنان استیناف دعواسنک
جریان ایدن تدقیقاتی نتیجه سنده حکم ابتدائیک

رو بجز قضای بدایت محکمه سی مستنطقلکته
مکتب حقوق شاهانه مأذونلردن کموش افندی تعیین
اولنمش وعلی الاصول امر تحلیفک اجرایی محلنه
یازلمشدر .

تبدیلات

عدلیه نظارت جلد سنده ۲۶ مایس سنه ۳۲۴
تاریخیه معموره العزیز لایق استیناف مدعی عمومیک
نظیر اولنامه تحریرات صوریدر :

تمغا رسمی قانونک طقوزنجی ماده سنک ۶۳
نومرولی فقره سنده شورای دوات وعلی العموم
محاکم ومجالس وهیئات رسمیه نك معین مبلغی حاوی
اولیه رق افراده عائد اولان مضبطه واعلام وحجتلیله
قرارنامه لری دیو کوسترلدیکی ومبلغ معینی حاوی
اولنلرکده رسم نسبی به تبعیتی تصریحاً وعلی الاطلاق
بیان قلندی کی برنجی ماده قانونیه نك فقره
اخیره سنده ده تمغا رسمیه تابع اوراق وسندات
ماهیتنده بولنان وآنلرک مقامنه قائم اوله حق اولان شرحلرک
دخی عینی رسمیه تابعیتی مندرج بولندی ومحاکم
مقرراتنک مبالغ جزئییه تعلق ایدنلرینک تمغارسندن
معفویتنه دائر قانونده صراحت اولمادیکی جهتنه ایکی
یوز الی غروش ویا آندن دون آله جق دعوالرله
بومقدار قیمتی حائر اموال منقولیه دائر اوله رق
اولبابده کی عرفالار ظهرینه یازیلان درکنارلرله
قراره ربطی ایجاب ایدن دعاوینک یاخود بشقه برورقه
ایله اتخاذ اولنان مقرراتنک مبلغ معینی حاوی اولدینی
حالد رسم نسبی به اولمادیکی تقدیرده اون غروشلق رسم
مقطوعه تبعیتی اقتضا ایده جکی تمغا رسمی تدقیق
قومیسوننک مضبغه سنه عطفاً ۱۷ ربیع الآخر سنه
۳۲۶ و ۱۵ مایس سنه ۳۲۴ تاریخی و ۱۶۰ نومرولی
تذکره سامیه ده اشعار بیورلمش اولمغله اکاکوره

احد اغای قتل ایتدکری ادا اولمسندن دولای جنایتله اتهام اولنان کزبان قادین واوغلی حقی ودامادی حلیمینک اون بشر سنه مدته کورکه قونلرینه دائر اماسه سنجای بدایت محکمه سی جزا دائرهنسندن ایکنجی دفعه اوله رق ویریلان ۴۶ نومرولی اعلام

فیض اللهی قتل ایتدیکی ادا اولمسنندن دولای جنایتله اتهام اولنان علینک اون بش سنه مدته کورکه قونلرینه دائر درامه سنجای بدایت محکمه سی جزا دائرهنسندن ویریلان ۸۹۳ نومرولی اعلام

مثنی قتل ایتدیکی ادا اولمسنندن دولای جنایتله اتهام اولنان مصطفانک اون بش سنه مدته کورکه قونلرینه دائر سیواس ولایتی استیناف محکمه سی جزا دائرهنسندن ویریلان ۵۰۱ نومرولی اعلام

ابراهیمی قتل ایتدیکی ادا اولمسنندن دولای جنایتله اتهام اولنان عزیزک اون بش سنه مدته کورکه قونلرینه دائر طرابلس شام سنجای بدایت محکمه سی جزا دائرهنسندن ایکنجی دفعه اوله رق ویریلان ۴۵۴ نومرولی اعلام

حسنی قتل ایتدکری ادا اولمسنندن دولای جنایتله اتهام اولنان محمد ومصطفی وحسن ومسعود وموسانک اوچر سنه مدته حبسلرینه وضیانک برائته دائر لازستان سنجای بدایت محکمه سی جزا دائرهنسندن ویریلان ۱۱ نومرولی اعلام

قره مصطفی اوغلی محمدی قتل ایتدیکی ادا اولمسنندن دولای جنایتله اتهام اولنان خلیل ابراهیمک اون بش سنه مدته کورکه قونلرینه دائر بوردور سنجای بدایت محکمه سی جزا دائرهنسندن ویریلان ۱۶ نومرولی اعلام

دیمتری قتل قصدیه جرح ایدره رک تعطیل عضوینه سببت ویریکی ادا اولمسنندن دولای جنایتله اتهام اولنان طالبک اوچر سنه مدته کورکه قونلرینه دائر تکفورطای سنجای بدایت محکمه سی جزا دائرهنسندن ویریلان ۳۷۳ نومرولی اعلام

مهدیه کامله خانمی قتل وقتله معاونت ایتدکری ادا اولمسنندن دولای جنایتله اتهام اولنان مزبورنه رک برادرلری یورکینک اون بش وصوتیرینک اون سنه مدته کورکه قونلرینه دائر یانیه ولایتی استیناف محکمه سی جزا دائرهنسندن ایکنجی دفعه اوله رق ویریلان ۲۲۳ نومرولی اعلام

مرزوق بن یوسفک خانه سی قیوسی آلت مخصوصه ایله کشاد ایدره رک درونه بالذخول اغنامی سرقت ایتدیکی ادا اولمسنندن دولای جنایتله اتهام اولنان بربرمحمدک اوچر سنه مدته کورکه قونلرینه دائر

۶۸۶ نومرولی نسخه ده مندرج در سعادت جنایت محکمه سی اعلامنک مابعدی :

مدعی عومیلک مقامندن بالا عطا قرائت ایتدیریلان شهود پوصله سنده اسامیسی محرر اولان کسان دعوت واقعیه اتباعاً ورود ایتلریه برر برر حضور محکمه به چقار یله رق لدی السؤل طرفینه برکونه قرابت ومناسبت وغرض وخصوصت لری اولمینی اکلانشدقندن واسولی وجهله امر تحلیف لری اجرا قلندقدن صوکره مواجهه استاع اولند- قلزنده بونلردن غلطه ده شرتخانه زقاغنده کائن صاری مادامه نک خانه سنده اقامت ایتدیکنی سولیلان یکریمی یاشنده خاصکوبلی صارینه بنت اورام وقعه کونی خانه نک قیوسی اوکنده اوطورمقده ومقتول موئیزک دخی پوده نامنده بر رفیقیه قارشولرنده کی پترونک میخانه سی اوکنده اوطوروب عشرت ایتکنده ایدوکی انشاده متهم واسیل دخی کلوب ومیخانه درونه کیروب بر آزار اوطورقدن صوکره طیشاری چقه رهق مرقومانک ایننده اوطورمقله مقتول موئیزک بورایه آرقداشلق ایچونی کلدک دیمسنه قارشو متهم مرقومک آرقداشلق ایچون اوطوردم جوابی بعد الاعطا مقتول موئیزک رفیق پوده نک ویردیکی ایکی اوچ قدح راقینی ایچمی عقیبنده مقتول مرقومه خطاباً سن بی اوره جقمیسک دیو سولسی ومقتول موئیزکده بن شمدی به قدر برکیمسینی اورمدم که سنی اوریم بن قبادای دکل جوابی ویرمی اوزرینه متهم واسیل سن اورماز ایسه ک بن اوریم دیهرک بلندن چقاردینی ییاق ایله موئیزی باشندن جرح ایلدیکی ومقتول موئیز باشندن قان جریان ایلدیکی کورمسیله بردن الدینی بیرایشه سی متهم مرقومه آتش ایسه ده متهمه اصابت ایتدیکی وبوصره ده مرقوم موئیز برده وشمکه متهم واسیلک مرقومی قاصیغندن دخی ایکی دفعه اوردیغنی وپیاقی به روشدیکی حالده تکرار الهرق موئیزه بر ایکی دفعه ده صابلایه رق فرار ایتدیکی وموئیزک آیاهه قالقوب بر ایکی آدم پورومسینی معقب دوشوب وفات ایتدیکنی افاده

استطاقیه سنه موافق صورتده اخبار وعند الاستفسار آلت جرح اولان بیجاغک بریحقی قاریش طولنده ایدوکنی ومقدیمه مقتول موئیزک دوستی اولان استر نامنده برقادینک مرقوم موئیزی ترک ایله متهم واسیل دوست طومش ایکن متهم مرقومی براقوب تکرار موئیز ایله الفت ایتدیکندن طولای آره لرنده خصوصت بولنشق محتمل اولدیغنی تذکار وشهادتک حضور محکمه ده کی متهم واسیل حقدنه ایدوکنی علاوه کفتار ایلدی .

متهم واسیل مذکور خانه ایله پترونک میخانه سی آره سنده اوتوز آدم مساقه بولندیغندن محاوره نک ایشیدیه میجکنی وینا علیه اشبو شاهده نک شهادتی قبول ایتیه چکنی سرد وشاهده صارینه دخی محاوره آواز بلندایله اولدیغندن دقتله کیفیتی کوردیکنی بالیان طعن واقعی رد ایلدی .

مذکور خانه ده بولندیغنی بیسان ایدن اون بش یاشنده مدانیلی اولغا بنت استغان وبلغارستانده متولده اولوب یکریمی یاشنده اولدیغنی سولیلان ایما بنت نیقوله افادات استطاقیه لرینه موافق ومنز بوره صارینه نک شهادته مطابق صورتده بیان حال ودیدکری واسیلک حضور محکمه ده کی متهم اولدیغنی علاوه مقال ایلدیر .

مزبور تانک افاداتی ختام بولدیقه نه دیه چکی صورلدقه متهم واسیل دیه حکم قالدی ایتسه سولیلورلر جوابنده بولدی .

غلطه ده یوکسک قالدیرمده ونیجه زقاغنده مشمعه سی محمدک قهوه خانه سنده اقامته وپوده طومبجیلرندن اولدیغنی سولیلان یکریمی بر یاشنده آستانه لی پوده ولد نسیم وقعه کونی ساعت سکر راده لرنده مقتول موئیز ایله ذکر اولنان میخانه نک اوکنده اوطوروب عشرت ایتکنده لر ایکن متهم واسیلک دخی کلوب قارشولرنده اوطورومسینی معقب مقتول موئیزک متهم واسیله خطاباً سن بورایه غوغا ایچونی احبابلق ایچونی کلدک دیو سولسی ومتهم مرقومکده نه ایسترسه ک صای جوابی ویرمی اوزرینه مقتول موئیزک اطاله لسانده بولنسنی معقب متهم مرقومک حامل اولدینی بیجاغی بالتشهر موئیزی قفاسندن جرح ایتدیکنی وبونک اوزرینه موئیزه بیرا شیشه سی آتش ایسه ده اصابت ایتدیره مدیکنی وبوصره ده یره بیقیلان مرقوم موئیزی متهم مرقوم برقاچ دفعه ده جرح ایله فرار ایتدیکنی وکندوسی مقتول موئیزک قولنه کیروب بر ایکی آدم پورود- کدن صوکره دوشوب وفات ایتدیکنی کوردیکنی افاده مضبوطه سی وجهله بیان وعند الاستیضاح مذکور بیجاغک اوچی سیوری وبریحقی قاریش طولنده

ایدوکنی ومقدما مقتول موئیزک دوستی ایکن متهم واسیل دوست طومش اولان استر نامنده برقادینک بالاخره متهم مرقومی ترک ایدره رک مقتولی دوست طومش اولمسندن ناشی آره لرنده طارغینلق بولدیغنی بیلدیکنی اتیان وشهادتک حضور محکمه ده کی متهم واسیله عاقد ایدوکنی درمیان ایلدی .

اشبو شاهده ک شهادته قارشو نه دیه چکی متهم واسیلدن صورلدقه نه دیه م جوابی ویردی .

(بقیه سی که جک نسخه به)

خرستونک حلواسی سرقت ایتدیکی ثابت اولان میچونک اوچ ماه مدته حبسنه وختام مدت جزایه سنده ضابطه جه کفالته ربطه

نیقولینک محمد اقدی به حقارت ایتدیکی ثابت اولدیغندن بر آلتون جزای نقدی آلتسنه محمد اقدی به اجرای وظیفه حالده اطاله لسان ایتدیکی ثابت اولان عارفک اون بش کون مدته حبسنه یورکینک خلاف تنبیه اوزرنده سلاح طاشیدینی ثابت اولدیغندن بش بشلک جزای نقدی آلتسنه استغونک آرتینی ضرب ایتدیکی ثابت اولدیغندن اون بش کون مدته حبسنه

حسینک راغب اقدی به امانه تودیع ایلدیکی ردیفوت طاقی ایله اشایی سائرهنی سوء استعمال ایلدیکی ثابت اولدیغندن ایکی ماه مدته حبسنه ودرت لیرا البسه باره سنک تحصیلنه وریمی اولان بر لیرانک جزای نقدی اوله رق آلتسنه

نورینک روزیه تشهر سلاح والنیک اموالنه ایراث خسار ایلدیکی ثابت اولدیغندن بر ماه مدته حبسنه فهمی اقدینک قدریه خانمی ضرب و جرح و اموالنه ایراث خسار ایتدیکی ثابت اولدیغندن اون بش کون مدته حبسنه

دیمتری ایله بیهرک سرکزک اموالنه ایراث خسار ایتدکری ثابت اولدیغندن اوزر بشلک جزای نقدی آلتسنه

محمدک خرسونی ضرب ایتدیکی ثابت اولدیغندن بر آلتون آلتوب مضروب ویرلسنه علی حیدرک دیمتری ضرب ایتدیکی ثابت اولدیغندن بر آلتون آلتوب مضروب ویرلسنه محمد علینک توفیق خانه دروننده پاره کیسه سی سرقت ایتدیکی ادعاسیله مظنون علیه اولان خایم ایله

مرقومه یشاقلق ایدن کرپاقو وقله اتنیدن قله اتنیک جنایت محکمه سنده محاکمه سی دردست بولندیجی جهتله دعواند تفریقیه دیکرلری حقدنده جریان ایدن محاکمه نتیجه سنده کندولرینه اسناد اولنان حرکتلری ثابت اولدیغندن بشر ماه مدته حبسلرینه

استغونک فونوغراف قووانلرینی سرقت ایتدیکی ثابت اولان خیرینک اوچ ماه مدته حبسنه وختام مدت جزایه سنده ضابطه جه کفالته ربطه

محرم اقدینک فاطمه بی ضرب ایتدیکی ثابت اولدیغندن اون بش کون مدته حبسنه

یوردانک البسه سی چاک ایتدیکی ثابت اولان ناتالیدن اون بشلک جزای نقدی آلتسنه

شوقینک زهرانی ضرب و جرح ایتدیکی ثابت اولدیغندن برهفته مدته حبسنه

مصطفانک علی بی ضرب ایتدیکی ثابت اولدیغندن اون کون مدته حبسنه

عمرک النی به تشهر سلاح ایتدیکی ثابت اولدیغندن بر ماه مدته حبسنه

آرمارونک چانطه سی سرقت ایتدیکی ثابت اولان مصطفانک درت ماه مدته حبسنه وختام مدت جزایه سنده ضابطه جه کفالته ربطه

رافت بکی جرح ایتدیکی ثابت اولان سلیمانک اون بش کون مدته حبسنه

نیقولی ایله پناطوبک لوتاریه جیلک ایتدکری ثابت اولدیغندن مرقوماننک بشر بشلک جزای نقدی آلتسنه یوسفک بولیس احمد موسی اقدی به اجرای وظیفه حالده تشهر سلاح ایلدیکی وعلی اقدینک مجروحیتنه سببت ویردیکی وژاندارمه مصطفی اغای ضرب ایتدیکی ثابت اولدیغندن تشهر سلاح سبب شدت طوتیلهرق بریحقی سنه مدته حبسنه

یورکینک اغا طونی جرح ایتدیکی ثابت اولدیغندن اوچ ماه مدته حبسنه ومصارف جراحیه ایله اوچپوز غروش ایام معظه اجر تنک بالتحصیل مشکی به ویرلسنه مارقونک قوشاقلرینی سرقت ایتدیکی ثابت اولان سحاقک اوچ ماه مدته حبسنه وختام مدت جزایه سنده ضابطه جه کفالته ربطه

قوجونک خلاف تنبیه اوزرنده سلاح طاشیدینی ثابت اولدیغندن مرقومدن بش بشلک جزای نقدی آلتسنه

عبد اللهی ضرب و جرح ایتدیکی ثابت اولان اسماعیلک برهفته مدته حبسنه

قومیسر طوفان اقدینک مجروحیتنه سببت ویردیکی وماجدی جرح ایتدیکی ثابت اولان حسینک جرح کیفیتک سبب شدت عدیه برسنه بر ماه مدته حبسنه

بک اوغلی بدایت محکمه سی جزا دائرهنسنبه قرار ویرلشدر .

اعلانات

در سعادت استیناف معنی عومیلکی مأمریت برهنه : ساخته برات تنظیم ایلدیکی ادعاسیله مظنون علیه اولوب حال فرارده بولنان معجونیدیه اوطه یاشنده ساکن جهات قلمی کتبه سنندن مصطفی اقدینک اصول محاکمات جزایه قانونک مواد مخصوصه سی احکامنه توفیقاً جنایت محکمه سننده محاکمه سی اجرا قلنق اوزره قانون جزانک یوز قرق سکرکنی ماده سی موجب جنایتله اتهامنه قرار ویرلیدکندن متهم مرقومک هر زرده کوریلور ایسه طوتیلوب محکمه مذکوره توفیق خانه سنه تسلیمی لازم که چکی بالجله ضابطه عدلیه مأمورلرینک معلومی اولق اوزره اشبو اخذ وکرفت مذکره سی در سعادت هیئت اتهامیه سنندن بالتظیم اعطا قلندی .

در سعادت جنایت محکمه سننده :

غلطه ده کرج قیوشنده طاهرک قهوه خانه سننده مرتضانک ضرباً وفاته سببت ویردکری ادعاسیله اتهام اولسانلردن اولوب حال فرارده بولنان کور عملهنسندن مذکور قهوه خانه ده ساکن اوزونجه بویلی ، شیشانجه تخمیناً یکریمی درت یاشنده آناهلی قلفات اوغلی داود بن مصطفی دردست اولنه مامش اولدیغندن قانونه اطاعتله محکمه به کلی ایچون جانب ریاستدن کندوسنه مجدداً اون کون مهل اعطا قلنمشدر مهل معین ظرفنده مرقوم محکمه به کلدیکی حالده قانونه اطاعت ایتماش نظریه باقیله رق حقوق مدیه دن اسقاط قلنجه جنی وعلهنده دعوا به قیام اولنه جنی ومحا که غایبه سی انشاده اموالنک حجز الته آله جنی وبوصره ده برکونه ادعایه حقی اوله میه جنی کی معاملات حجزیه حقدنه دخی مدعی عومیلکه تبلیغات مقتضیه اجرا ایلدیکی جهتله اصول محاکمات جزایه قانونک اوچپوز یتش برنجی واوچپوز یتش ایکنجی ماده لرندن استنباط اولنان احکامه توفیقاً اشبو قرارنامه بالتظیم اعلان اولنور .

جنایت سنجای بدایت محکمه سی جزا دائرهنسنبه :

قتل قصدیه جرح ماده سنندن طولای متهم اولوب وقعه بی متعاقب فرار ایتش اولان اوصاف واشکالی غیر مضبوط بولنان سلوری قضاسنک قره سنان چقتلکنده قوروجی ابراهیم دردست ایدیه مامش اولدیغندن تاریخ اعلاندن اعتباراً جانب ریاستدن کندوسنه مجدداً

اون کون مهل اعطا قلنمشدر مهل معين ظرفنده مرقوم محکمه يه کديکي حالده قانونه اطاعت ايتامش نظريه باقيله رق حقوق مدنيه دن اسقاط قلنه جنی وعلينده دعوايه قيام اولنه جنی و بوضه ده برکونه ادعايه حق اوله ميه جنی و اموالنک حجز التته آله جنی بالجله ضابطه عدليه مأمورلرينک کندوسنی طومغه مجبور بولندقلری کي معاملات حجزيه حقنده دخی مدعی عموميلکه تبليغات مقتضيه اجرا ايدلديکي جهته اصول محاکمات جزائيه قانوننک اوچيوز يتش برنجی و اوچيوز يتش ايکنجی ماده لرندن استنباط اولسان احکامه توفيقاً اشبو قرارنامه بالتنظيم اعلان اولنور .

تجارت بحريه محکمه سنده :

در سعادتده کذابجی اوغلی خاننده ساکن ايکن تجارت بحريه محکمه سندن افلاسنه حکم اولنمش اولان القاهي ولوی شرکتی ذمتنده آله جغنی اثبات ويا موقتاً قبول وقيد ايتديرمش اولان آله جقلولرک قانوننامه تجارتک ۲۱۱نجی و آتی ولی ایدن ماده سی موجبجه مفلس طرفندن تکليف اولنه جحق قوتقورداتونک مذاکره سی ايچون ۳۲۴ سنه سی حزينانک اون ايکنجی پنجنه کونی محکمه مذکوره نک مصالح افلاسيه رؤيته مخصوص اوطه سنه کلری اعلان اولنور .

آلنه تجارت محکمه سنده :

آلنه تجارت محکمه سندن افلاسنه حکم اولنمش اولان حاجينلی آغوب وديقران قره تيمورجيان ذمتلرنده آله جغنی اثبات ويا موقتاً قبول وقيد ايتديرمش اولان آله جقلولرک قانوننامه تجارتک ۲۱۱نجی و آتی ولی ایدن ماده سی موجبجه مفلس طرفندن تکليف اولنه جحق قوتقورداتونک مذاکره سی ايچون ۳۲۴ سنه سی حزينانک طقوزنجی بازارايرتسی کونی محکمه مذکوره نک مصالح افلاسيه رؤيته مخصوص اوطه سنه کلری اعلان اولنور .

بغدادک تورات محله سنده :

بغدادک تورات محله سنده ساکن بزاز موشی صالح کوهينک رأساً و موقتاً اعلان افلاسنه و مصالح افلاسيه نک رؤيت وتسويه سی ضمتنده اعضای محکمه دن نعمان افنديک ژوز قوميسر و تجار دن ابراهيم شعشوع و کتبه دن عزره حوری افنديلرک موقت سندنیک تعيينلرينه و مغازه سيله اشياي زانده بيتيه سنک مهرلنسنه واوراق ودفاترينک جلبنه و کفالت مصدقه ازانه ايدمهديکي تقدیرده حبس و توقيفنه و بوبابده کی قرارک

موقتاً اجراسنه بغداد تجارت محکمه سنجه قرار ویرلش اولديغندن قانوننامه تجارتک ۱۷۰نجی ماده سی موجبجه دائمی سندنیکلر انتخاب اولنقی اوزره اشبو ۳۲۴ سنه سی مایسنک يکرمی طقوزنجی پنجنه کونی ساعت درت راده لرنده اصحاب مطلوبک محکمه مذکوره نک مصالح افلاسيه رؤيته مخصوص اوطه سنه کلری اعلان اولنور .

قرق کلیسا بدایت محکمه سی اجرا دائره سنده :

قرق کلیسانک دوغليجه محله سندن قوميانو اوغلی يورکينک جهت کفالتدن قرق کلیسا ايتام صندوقه دینی اولان مبالغک تأمين اخذ واستيفاسی ضمتنده حجز التته آلان قیزلر آلان موقعنده اون ايکی وخيارلق بایرنده درت دونم ايکی قطعه باغی تاريخ اعلاندن اعتباراً اون بش کون صوکره بالمزايده فروخت اولنه جغندن طالب اولانلرک وبوندن زياده معلومات آلتی ايستينلرک قرق کلیسا سنجاغی بدایت محکمه سی اجرا دائره سنه مراجعت ایللری اعلان اولنور .

ماقر بدایت محکمه سی اجرا دائره سنده :

لیموس قريه سندن نيغولا ولد يانی بلانک قريه مذکوره لی متوفی يانی صالياری ورنه سی کير اوغلی يورکی و اقامتلری مجهول کيره قیزلری قريطو و ماريه و اويه نو ذمتلرنده ساقز بدایت محکمه سی حقوق دائره سنک ۱۹ کانون اول سنه ۳۲۳ تاريخلو و ۹۵ نومرولی کسب قطعت ايتش برقطعه اعلام غيابی موجبجه مع فائض آله جنی بولسان بيک طقوز يوز قرق درت غروشه مصارف محاکمه نک تأمين استيفاسی ضمتنده مديون اصیل متوفای مرقوم يانی صاليارينک مرهون بولنان « آميلا » نام ديکر « قاسطانيديس » موقعنده کائن ۳۰ نومرولی و طرفلری شرقاً ميخال صالياری و غرباً جای و شمالاً يانی مانولا کی و جنوباً يورکی پاپابلا اراضيی ايله محدود برقطعه ترلاسی اوچيوز غروش وينه « قالوپاردوس » موقعنده کائن ۲۱ نومرولی و طرفلری شرقاً ميخال صالياری و غرباً آوغوستی قوچومبا کی و شمالاً نيغولی قورلافتينک چوجقلری و جنوباً مارو پانده لی اراضيی ايله محدود ديکر برقطعه ترلاسی اوچيوز غروش وينه « بيسيموپولوس » موقعنده کائن ۲۲ نومرولی و طرفلری شرقاً پاپا قاريطيس و غرباً ايرنی پاپايس و شمالاً ميخال صالياری و جنوباً يورکی پاپايسی اراضيی ايله محدود برقطعه ترلاسی ايکی يوز غروش که اوچ قطعه ترلاسی لای المزايده جمعاً سکنز يوز غروش بدلات

ايله طالبي اوزرنده تقرر ايدهرک موقت قراردادده سی کشيده قلنمش و تاريخ اعلاندن اعتباراً او توبر کون ظرفنده احاله قطعيه سنک اجراسی مقرر بولنمش اولديغندن يوزده بش ضم ايله طالب ويا بر ايليشيکی اولانلرک مدت مذکوره ظرفنده ساقز سنجاغی بدایت محکمه سی اجرا دائره سنه مراجعت ایللری و محکوم مرقومون مدت مذکوره ختامنده مراجعت ايتدکلری تقدیرده ايفای ديندن امتناع ايتش عد اولنه جقلری اعلان اولنور .

لیموس قريه سندن وستارخو بنت يورکی لاطوسا کينک قريه مذکوره لی فروسو بنت يورکی سيریمی قادين ذمتنده ساقز بدایت محکمه سی حقوق دائره سنک ۲۷ حزينان سنه ۳۲۲ تاريخلو و ۵۰ نومرولی کسب قطعت ايتش برقطعه اعلام غيابی موجبجه مع فائض آله جنی بولسان اوچيک التيوز غروشه مصارف محاکمه نک تأمين استيفاسی ضمتنده مرهون بولنان « مارماری » موقعنده کائن ۴ نومرولی و طرفلری شمالاً آغوستی فه تانک چوجقلری و جنوباً ميخال قسپر يديس و شرقاً قوچورونديس و غرباً طريق ايله محدود ترلاسی ايکی يوز يکرمی غروش وينه « قاتوفلیاس » نام ديکر « برنجی ايسقاليا » موقعنده کائن ۲۵ نومرولی و طرفلری شمالاً قسطنطی اېصاروريس و جنوباً کچيد و شرقاً وستارقو ماقاريغا کيس و غرباً قالی پريناری ايله محدود ديکر برقطعه ترلاسی يوز يکرمی غروش وينه « مومی » نام ديکر « ايکنجی قورتيقوس » موقعنده کائن ۳ نومرولی و طرفلری شمالاً يورکی پاتهريمونک چوجقلری و جنوباً طريق و شرقاً حاجی منولی قوچو مينک چوجقلری و غرباً اويه نو قو - قوری ايله محدود ديکر برترلاسی ايکی يوز اون غروش که اوچ قطعه ترلاسی لای المزايده جمعاً بشيوزاللی غروش بدلات ايله طالبي اوزرنده تقرر ايدهرک موقت قراردادده سی کشيده قلنمش و تاريخ اعلاندن اعتباراً او توبر کون ظرفنده احاله قطعيه سنک اجراسی مقرر بولنمش اولديغندن يوزده بش ضم ايله طالب ويا بر ايليشيکی اولانلرک مدت مذکوره ظرفنده ساقز سنجاغی بدایت محکمه سی اجرا دائره سنه مراجعت ایللری و محکومه مزبوره مدت مذکوره ختامنده مراجعت ايتدکی تقدیرده ايفای ديندن امتناع ايتش عد اولنه جغنی اعلان اولنور .